



BOSNIA AND HERZEGOVINA  
MINISTRY OF FINANCE  
AND TREASURY

Broj: 05-02-1-2851-1/11  
Sarajevo, 31.03.2011. godine

**SVIM BUDŽETSKIM KORISNICIMA**

**Predmet: Instrukcija za izradu dinamičkog plana budžetskih korisnika po Odluci o privremenom finansiranju institucija BiH za period april-juni 2011. godine**

Na osnovu člana 11. Zakona o finansiranju institucija Bosne i Hercegovine («Službeni glasnik BiH» broj 61/04 i 49/09), Vijeće ministara Bosne i Hercegovine na 146. sjednici održanoj 31.03.2011. godine donijelo je Odluku o privremenom finansiranju institucija BiH i međunarodnih obaveza BiH za period april-juni 2011. godine.

U skladu sa navedenom Odlukom, a u cilju održavanja budžetske ravnoteže, svi budžetski korisnici su dužni Ministarstvu finansija i trezora BiH **najkasnije do 15.04.2011. godine** podnijeti **prijedloge operativnih budžeta za april, maj i juni 2011. godine** za tekuće izdatke (bez kapitalnih izdataka i tekućih grantova) **uz zahtjev sa adekvatnim obrazloženjem analitičkih kategorija** i iste dostaviti u elektronskoj formi na CD-u. Ukupan iznos operativnih budžeta za drugi kvartal 2011. godine ne može biti veći od 1/4 sredstava usvojenih u budžetu institucija BiH i međunarodnih obaveza BiH za 2010. godinu. **Obavezuju se korisnici da rasporede rashode po prioritetima izvršenja, sa tim da će Ministarstvo finansija i trezora BiH, obzirom na ograničenost priljeva prihoda, razmotriti predložene zahtjeve korisnika za raspored rashoda u skladu sa prioritetima izvršenja definisanim u članu 18. Zakona o finansiranju institucija BiH („Službeni glasnik BiH“ broj 61/04 i 49/09).**

U skladu sa zaključkom Vijeća ministara BiH, broj 07-50-2-S-246/11 od 31.03.2011. godine, obavezuju se budžetski korisnici i Ministarstvo finansija i trezora BiH da **„nastave sa uštedama na svim stavkama tekućih rashoda, a posebno na troškovima reprezentacije, službenih putovanja, telefona i sl.“**

Budžetski korisnici ne mogu započinjati nove ili proširene programe i aktivnosti dok se ne odobre u budžetu institucija BiH za 2011. godinu. Također, budžetski korisnici ne mogu započinjati nove procedure zapošljavanja državnih službenika i namještenika do usvajanja budžeta institucija BiH za 2011. godinu.

Dinamičke planove (tabele) popuniti u skladu sa „Instrukcijom o načinu izrade operativnih planova za izvršenje budžeta institucija BiH za 2010. godinu i o načinu praćenja programa posebnih namjena“ br. 01-05-16-3-1/10 ([www.trezorbih.gov.ba](http://www.trezorbih.gov.ba)). Dinamičke planove za Programe posebnih namjena finansiranih iz sredstava donacija i udruženih sredstava, potrebno je posebno iskazati i rashode rasporediti po ekonomskim kategorijama na osnovu priljeva namjenskih sredstava. Započeti višegodišnji projekti, namjenske donacije i udružena sredstva, za koje su prenesena namjenska nerealizovana sredstva iz 2010. godine se nastavljaju realizovati u 2011. godini.

Na osnovu Odluke o privremenom finansiranju institucija BiH i Odluke o preuzimanju poslova, objekata, sredstava za rad i zaposlenih između Ministarstva sigurnosti Bosne i Hercegovine, Državne agencije za istrage i zaštitu i Direkcije za koordinaciju policijskih tijela Bosne i Hercegovine ("Službeni glasnik BiH", broj 94/10), u periodu april-juni 2011. godine odobren je Direkciji za koordinaciju policijskih tijela Bosne i Hercegovine iznos do 6.300.000 KM.

U skladu sa navedenim, u periodu april-juni 2011. godine sredstva za finansiranje Ministarstva sigurnosti Bosne i Hercegovine bit će umanjena za 185.000 KM (24 zaposlena koje preuzima Direkcija), a Državnoj agenciji za istrage i zaštitu za 5.897.000 KM (766 zaposlenih koje preuzima Direkcija). Iznos od 218.000 KM odnosi se na finansiranje troškova Direkcije za koordinaciju policijskih tijela analogno odobrenim sredstvima budžetske rezerve u 2010. godini.

Izvršavanje budžeta institucija BiH u dijelu rashoda operativno će se usklađivati sa dinamikom ostvarenja prihoda predviđenih budžetom.

Sa poštovanjem,

PRILOG:  
Tabele 1-4

**MINISTAR**

**Dragan Vrankić, s.r.**